

UMHA COLABORAÇOM ENTRE ARDORA (S)EDIÇONS ANARQUISTAS E COLAPSO ZINES

PERIÓDICO ANARQUISTA



DEZ PUNHALADAS À POLÍTICA

SMALL IS BEAUTIFULL?

SEMANA INTERNACIONAL

DE SOLIDARIEDADE

COM AS ANARQUISTAS

ENCARCERADAS

DEZ PUNHALADAS À POLÍTICA

IL PUGNALE

política é a arte da separaçom. Aí onde a vida perdeu a sua plenitude, onde o pensamento e a açom dos

indivíduos forom seccionados, catalogados e fechados em esferas separadas, aí começa a política. Afastando algumhas atividades dos indivíduos (a discussom, o conflito, a toma de decisom coletiva, o acordo) a umha zona de sim que - avalada pola sua independência - pretende governar a todas as demais, a política é ao mesmo tempo separaçom entre separaçons e gestom hierárquica da compartimentaçom. Mostra-se assim como umha especializaçom, obrigada a transformar o problema em suspenso da sua própria funçom no presuposto necessário para resolver todos os problemas. È por isso precisamente que o papel dos profissionais da política é indiscutível - e o único que podemos fazer é substitui-los de vez em quando. Cada vez que os subversivos aceitam separar os diferentes momentos da vida e mudar - partindo dessa separaçom - as condiçons dadas, convertem-se nos melhores aliados da ordem do mundo. E precisamente porque aspira a ser umha

espécie de condiçom básica da vida mesma a política exala por todas partes o seu alento mortífero.

A política é a arte da representaçom. Para governar as mutilaçons infligidas à vida, constrinhe aos indivíduos à pasividade, à contemplaçom do espetáculo montado sobre a sua própria impossibilidade de atuar, a delegaçom irresponsável das suas próprias decisons. Entom, mentres a abdicaçom da vontade de determinar-se a sim mesmos transforma aos indivíduos em apéndices da máquina estatal, a política recompom numha falsa unidade a totalidade dos fragmentos. Poder e ideologia celebram assim as suas funestas nupcias. Se a representaçom é o que despoja aos indivíduos da sua capacidade de atuar, oferecendo-lhe em contrapartida a ilusom de ser participantes e nom espetadores, esta dimensom da política reaparece sempre ali onde algumha organizaçom suplanta aos indivíduos e algum programa os mantém na sua pasividade. Aparece sempre aí onde umha ideologia une o que na vida esta separado.

A política é a arte da mediaçom. Entre a suposta totalidade e a singularidade, e entre os indivíduos. Ao igual que a vontade divina precisa os seus próprios intérpretes e representantes terrestres, a Colectividade precisa os seus próprios delegados. Ao igual que nom existem na religiom relacions entre os homens, senom só entre os crentes, nom som os indivíduos os que se encontram na política, senom os cidadás. Os vínculos de pertença impedem a uniom, porque só na diferença desaparece a separaçom. A política volta-nos iguais porque nom há diversidade na escravitude – igualdade ante Deus, igualdade ante a lei. Por isto ao dialogo real, que nega a mediaçom, a política o substitui pola sua ideologia. Toda política é umha simulaçom participativa. Toda política é racista. Só derrubando as suas barreiras na revolta poderemos atopar aos demais na sua e na nossa singularidade. Rebelo-me depois existimos. Mas se nós existimos, adeus revolta.

A política é a arte do impessoal. Cada açom é única e particular. Cada açom é como a fugacidade dumha chispa que foge da ordem da generalidade. A política é a administraçom dessa ordem. «Que queres que seja umha açom em frente à complexidade do mundo?» Assim argumentam os durmintes na dupla somnolencia dum «Si» que é ninguém e de um «Mais tarde» que é nunca. A burocracia, servo fiel da política, é a nada administrada com o fim de que Ninguém poida atuar. Com o fim de que ninguém reconheça jamais a sua própria responsabilidade na irresponsabilidade generalizada. O poder já nom di que todo está baixo controlo, ao revês di: «Nem sequera eu consigo atopar os remédios, imaginade-vos qualquer outro». De agora em diante a política democrática baseia-se na ideologia catastrofista da emergência («Ou nós ou o fascismo, nós ou o terrorismo, nós ou o desconhecido»). A generalidade, também a antagonista, sempre é acontecimento que nom acontece e que anula todo o que acontece. A política convida a todos a participar no espetáculo destes movimentos permanecendo imóveis.

A política é a arte do adiamento. O seu tempo é o futuro, é por isso que nos encerra a todos num presente miserável. Todos juntos, mas manhá. Qualquera que diga «Eu e agora» arruína, com esta impaciência, que é a exuberância do desejo, a ordem da espera. Espera dum objetivo que saia da maldiçom do particular. Espera dum grupo no que nom pôr em perigo as próprias decisons e agochar as próprias responsabilidades. Espera dum crescimento qualitativo adecuado. Espera de resultados quantificáveis. Espera da morte. A política é a constante tentativa de transformar a aventura em porvenir. Mas só se «eu e agora» decido pode existir um nós que nom seja o espaço dumha recíproca renúncia, a mentira que nos volta a uns controladores de outros. O que queira atuar agora é olhado sempre com recelo. Se nom é um provocador, se di, certamente atua como tal. Mas é o instante dumha açom e dum prazer sem manhá o que nos leva à manhá seguinte. Sem o olhar fixo nas agulhas do relógio.

A política é a arte do acomodamento. Esperando sempre que as condiçons estejam maduras, acaba-se tarde ou cedo aliados com os amos da espera. No fondo a razom, que é o órgano da dilaçom e do adiamento, oferece sempre um bom motivo para entrar em acordo, para limitar os danos, para salvar algum detalhe particular dum todo que se despreza. A razom política tem olhos aguzados para atopar alianças. Nom todos som iguais, nos dim. A esquerda comunista nom é como essa direita perigosa e rastreira. (Nom votamos por ela nas eleiçons somos abstencionistas - mas os comités cidadás, as iniciativas na rua, som outra cousa). A sanidade pública será sempre melhor que a sanidade privada. Um salário mínimo garantido será sempre preferível ao desemprego. A política é o mundo do menos malo. E resignándonos ao menos malo, aceitamos passo a passo este todo, dentro do qual só nos concedem as preferências. O que em cámbio nom quer saber nada deste menos malo é um aventurista, ou um aristócratico.

A política é a arte do cálculo. Para que as alianças sejam proveitosas há que conhecer os segredos dos aliados. O cálculo político é o primeiro dos segredos. É necessário saber por onde pisamos. Há que fazer detalhadas relaçons dos esforcos e os resultados obtidos. E a força de medir o que se tem, acaba-se conseguindo todo, salvo a vontade do pôr em jogo e de perder. Acaba-se sempre sem dar moito de sim, atentos e com pressas para pedir a conta. O olho fixo sobre o que nos rodeia, sem esquecer-nos nunca de nós mesmos. Alerta como polícias. Quando o amor a um mesmo se volta excessivo, exige ser propagado. Esta sobreabundância de vida fai-nos esquecer de nós mesmos, nos fai perder na tensom do arrebato, a conta. Mas o esquecimento de um mesmo é o desejo dum mundo onde valha a pena perder-se, dum mundo que merece o nosso esquecimento. É por isso que o mundo tal e como é, administrado por carcereiros e contáveis, tem que ser destruído - porque podemos da-lo todo sem contar. Aí começa a insurreiçom. Superar o cálculo, mas nom por defeito, como o recomenda o humanitarismo que passo tras passo

Nom todos os homens de Estado estam pagos polo governo.
Há funcionarios públicos que nom ocupam umha cadeira no Parlamento, nem tampouco nas estadias adjacentes

remata sempre aliado com o verdugo, senom mais bem por excesso. Aí termina a política.

A política é a arte do controlo. Que a atividade humana nom se liberte das correntes do dever e do trabalho para revelar-se em toda a sua potencialidade. Que os operários nom se atopem em tanto indivíduos e nom parem de deixar-se explorar. Que os estudantes nom se decidam a destruir os colégios para eleger como, quando e que aprender. Que os familiares nom deixem de ser os pequenos servos dum pequeno Estado. Que as crianças nom sejam mais que a cópia imperfecta dos adultos. Que nom acabemos com as distinçons entre os (anarquistas) bons e os (anarquistas) malos. Que nom sejam os indivíduos os que se relacionam, senom as mercadorias. Que nom se desobedezca à autoridade. Que quando alguem ataque as estruturas do Estado se diga em seguida «que isso nom é obra de companheiros». Que os bancos, os tribunais, os quartéis nom pulem polos ares. Em soma, de que nom se manifeste a vida.

A política é a arte da recuperaçom. A forma mais eficaz para desalentar toda a rebeliom, todo o desejo de cámbio real, é apresentar a um homem ou mulher de Estado como subversiva, ou - melhor ainda transformar a um subversivo num homem de Estado. Nom todos os homens de Estado estam pagos polo governo. Há funcionarios públicos que nom ocupam umha cadeira no Parlamento, tampouco nas estadias adjacentes; mais bem ao revês, frequentam os centros sociais e tenhem um conhecimento discreto das principais teses revolucionárias. Disertan sobre a potencialidade liberatoria da tecnologia, teorizan esferas públicas nom estatais e a superaçom do sujeito. A realidade - o sabem moi bem - é sempre moito mais complexa que qualquer açom. Assim, se concebem umha teoria total, é só para poder esquece-la totalmente na vida quotidiana. O poder precisa-o porque - como eles mesmos assinalam quando ninguém lhe critica, o poder critica-se a sim mesmo.

A política é a arte da repressom. Do que nom separa os diferentes momentos da sua vida e quer mudar as condiçons dadas partindo da totalidade dos seus próprios desejos. Do que quer queimar a pasividade, a contemplaçom e a delegaçom. Do que nom se deixa suplantar por ningumha organizaçom, nem imobilizar por ningum programa. Do que quer ter relaçons diretas entre indivíduos e fazer da diferença o espaço mesmo da igualdade. Do que nom tem um nós sobre o que jurar. Do que perturba a ordem da espera porque quer sublevar-se de imediato, nom amanhá, nem passado manhá. Do que se entrega sem esperar contrapartidas e se esquece por excesso. Do que defende aos seus companheiros com amor e deteminaçom. Do que só oferece aos recuperadores umha única oportunidade: a de desaparecer. Do que recusa passar a engrossar as incontáveis filas dos pícaros e os apáticos. Do que nom quer nem governar nem controlar. Do que quer transformar o futuro numha aventura fascinante.



SMALL IS BEAUTIFUL?

AVIS DES TEMPÊTES

"Tenho estudado o fenómeno da dedicaçom, a miúdo cega, dos técnicos ao seu trabalho. Porque consideravam a tecnologia moralmente neutra, estas pessoas nom tinham escrúpulos sobre o que estavam a fazer. Quanto mais técnico era o mundo que nos impunha a guerra, mais perigosa era a indiferença dos técnicos às consequências das suas actividades anónimas.»

Albert Speer, arquitecto, membro do partido nazi e ministro de Armamento e Provisons de 1942 a 1945

m 1959, um físico que participou no programa de investigaçom que levou à construçom da bomba atómica, fai umha curiosa apresentaçom numha universidade de Califórnia. Ele conclui com palavras que pretendiam ser proféticas, como convém aos grandes visionários da ciência: "Há moito espaço no fondo. Durante moitas décadas, a sua profecia gerou mais especulaçom do que investigaçom precisa. Até o dia em que os primeiros laboratórios de investigaçom começarom, nos anos 80, a dedicar-se ao estudo do "infinitamente pequeno". Denominada "nanotecnologia", esta investigaçom abrange todos os processos de fabricaçom ou manipulaçom de estruturas à escala nanométrica (1 nanómetro é

um bilionésimo de metro; umha fita de ADN humano tem 2 nanómetros de largura). O "grande salto cara adiante" foi dado em 2001, quando os Estados Unidos reconhecerom a nanotecnologia como um sector estratégico para a investigaçom científica, inundando laboratórios com o maior plano de investimento da sua história. Mas a escuridade ainda persistia um pouco mais abaixo. Moito tempo passou, e moitos laboratórios loitarom para produzir o "prático", aplicaçons industrializáveis. Tornarom-se também um pouco mais discretos, nom só devido à competência feroz entre os diferentes poderes, mas talvez também devido ao temor a um desafio "irracional" e "tecnófobo" como o que se encontrou com a introduçom dos OGM nalgumhas partes do mundo (agora amplamente derrotados, aínda que alguns países como França continuem a proibir a sua comercializaçom para alimentaçom humana no seu solo -o que nom impede que quase todas os cultivos de milho nos Estados Unidos sejam transgénicos, tal como o arroz na Índia, o trigo e a colza na Argentina, etc.) Estamos sendo testemunhas doutro anúncio vaidoso de cientistas que juram "revolucionar o mundo"? Em todas partes construirom-se novos laboratórios, unidades de investigaçom e clusters de instituiçons e empresas, todos eles dedicados à investigaçom em nanotecnologia. Em França, existem actualmente polo menos 240 laboratórios de nanociência. Os "polos de competitividade" relacionados com as nanotecnologias estam localizados em Lyon (Lyonbiopôle), Grenoble (Minalogic), Besançon (Microtechniques), Provence Alpes-Côte d'Azur (Optitec e Soluções de Comunicação Segura) e Centre-Limousin (Ciências e Sistemas de Energia Eléctrica). Os institutos de investigaçom mais importantes situam-se em Grenoble (Institut des Neurosciences), Saclay (Triangle de la Physique), Estrasburgo (Centre International de Re-

Perder-se em discussons intermináveis sobre a perigosidade das nanopartículas corre também o risco de perder de vista o facto de que esta é, acima de todo, umha forma importante da economia de atravessar certos límites e perpetuar assim a sua existência mortífera hipotecando o mundo a longo prazo

cherche aux Frontières de la Chimie) e Aix-Marseille (Institut Carnot). Cabe sinalar, sem embargo, que a maioria das universidades tem, cada umha, polo menos um laboratório dedicado às nanotecnologias e que moitas regions criarom um "centro de competência" que reúne aos agentes da investigaçom e produçom de nanotecnológica.

Há alguns anos, o Governo francês introduziu umha estrutura de comunicaçom obrigatória para as empresas que utilizam nanomateriais nos seus produtos. Evidentemente, nom indicaram os nomes exactos destes últimos (nom existem regulamentos para assinalar a presença de nanopartículas fabricadas, como é o caso dos aditivos alimentários, por exemplo), mas o último relatório anual (relativo a 2019) menciona polo menos 900 produtos alimentários que incorporam estas nanopartículas. Estes incluem leite infantil, confeitaria, cereais para o almorço, barras de cereais ou pastelaria congelada e sobremesas. A utilizacom de nanomateriais noutros sectores também aumentou significativamente nos últimos anos: nanocomponentes em electrónica, nanopartículas em cosméticos, nanopartículas utilizadas para tratar e melhorar superfícies metálicas, etc., sem esquecer -com um pouco menos de "transparência"- as suas múltiples aplicaçons no domínio militar. E como toda a produçom gera os seus próprios resíduos, os resíduos dos processos de fabricaçom dos nanomateriais acumulam-se. De momento, parece que estes resíduos som simplesmente queimados ou enviados para outros lugares, preferentemente para os campos de morte em África (como em Ghana, onde existe um dos maiores contentores ao ar livre para resíduos informáticos do mundo).

Entom, qual é o problema? Quais as diferenças entre os nanomateriais e qualquer produto industrial? De toda a toxicidade produzida pola economia? Correndo o risco de talvez dar demasiado crédito ao entusiasmo dos investigadores, ousaríamos dizer que é possível ultrapassar outro umbral qualitativo com os nanomateriais, e que isto nom é uma simples extensom quantitativa do que já existe. Para estabelecer um paralelo com os OGM: constituem, sim ou nom, um umbral

que há que traspassar em relaçom aos danos já causados pola agricultura industrial? Som simplesmente "um pouco mais do mesmo", ou estam a acrescentar "algo mais" à pila de porcaria existente? No caso dos OGM, nom há dúvida de que a resposta seria geralmente afirmativa, umha vez que se trata de manipulaçons que afectam a própria estrutura dos organismos vivos e a sua disseminaçom na natureza. E bem, estaríamos mais inclinados a dar a mesma resposta quando se trata de nanotecnologias.

A síntese de compostos químicos nom é, evidentemente, umha novidade. Durante a Segunda Guerra Mundial, os complexos químicos do Terceiro Reich já estavam a produzir "petróleo sintético" para satisfazer as necessidades da Wehrmacht. O que é novo com a nanotecnologia é a escala em que podemos trabalhar, e especialmente o facto de que, à escala nanométrica, as propriedades da matéria mudam. Já nom se comporta de acordo as mesmas leis físicas. Por exemplo, o carbono pode tornar-se mais forte do que o aço. O cobre pode tornar-se transparente, e o alumínio pode tornar-se explosivo. Isto foi todo o que se precisou para inspirar o entusiasmo dos aprendizes de feiticeiros num mundo em que o artificial prevalece sempre sobre o natural. A alteraçom das propriedades da matéria poderia facilmente transformar toda a produçom actual a longo prazo e gerar novos "problemas insuperáveis" (resíduos, toxicidade, limites físicos, etc.). Basta pensar como a paissagem da transmissom de electricidade poderia mudar, já que a perda de linhas actual é de quase 5%, se os nanomateriais supercondutores substituíssem os cabos actuais, geralmente feitos de liga de alumínio. Ou se os chips se tornassem tam microscópicos (hoje em dia, a sua miniaturizaçom é limitada polas propriedades dos materiais utilizados, geralmente silício) que se tornassem quase indetectáveis.

Falando indetectáveis, as instituiçons de controlo como a ANSES (Agência Nacional de Segurança Sanitária) admitem que é moi difícil e, de momento, bastante aleatório detectar nanopartículas em produtos ou no ambiente. Como as nanopartículas som "indestrutíveis", nunca desapare-

cem, viajando de corpo a corpo, dose laboratórios aos produtos, dos produtos à terra, da terra aos alimentos, etc. Estas partículas, cujas propriedades forom modificadas, também passam por todas as membranas de proteçom e "filtros" que a maioria dos organismos vivos possui. Por exemplo, umha nanopartícula pode moi facilmente passar do estômago ou do pulmom à sangue, depois da sangue ao cérebro, etc., e há moi poucos dados disponíveis sobre a sua toxicidade. Como exemplo, o Governo francês proibiu em 2019, por "princípio de precauçom", o aditivo E171, dióxido de titânio, em todos os produtos alimentícios, mas nom nos 4000 medicamentos que o contêm. Segundo dados oficiais, o mesmo dióxido de titânio utilizado pola indústria pode conter até 2,3% de nanopartículas. Tal como acontece com outros venenos industriais, a toxicidade à escala nanométrica é sobretodo umha questom de gestom, com umbrais que podem ser alterados até o infinito de acordo com as necessidades do momento

Polo momento, os "limites" da actual produçom capitalista som moi importantes, mas nom som barreiras insuperáveis que anunciem o fim do seu querido crescimento. Polo contrário, som "desafios" para umha economia em perpétua reestruturaçom. Por exemplo, as previsons de escassez de petróleo (bastante questionáveis, por certo) incentivarom durante décadas a investigaçom, a comercializaçom e a fabricaçom de hidrocarburos alternativos, e hoje vemos por todas partes a devastaçom causada por cruzar este "limite": monocultivos de milho

e colza para produzir hidrocarburos, a explosom do fraking, a substituiçom dos motores de combustom tradicionais por motores eléctricos (e amanhá talvez de hidrogéno), e assim sucesivamente. A nanotecnologia seguramente desempenhem um papel importante na futura artificializaçom do mundo. Nisto, qualquer expectativa apenas contribui ao progresso da dominaçom e as suas esmagadoras perspectivas. Perder-se em discussons intermináveis sobre a perigosidade das nanopartículas corre também o risco de perder de vista o facto de que esta é, acima de todo, umha forma importante da economia de atravessar certos límites e perpetuar assim a sua existência mortífera hipotecando o mundo a longo prazo.

Finalmente, tal como acontece com outras tecnologias prometedoras da dominaçom, a única questom de interesse, aqui e agora, é a do ataque destrutivo. Polo momento,
os "limites" da
actual produçom
capitalista som moi
importantes, mas
nom som barreiras
insuperáveis que
anunciem o fim
do seu querido
crescimento



DO 23 AO 30 DE AGOSTO, SEMANA INTERNACIONAL DE SOLIDARIEDADE COM AS ANARQUISTAS ENCARCERADAS

m ano mais baixo o lema de «por um mundo sem estados nem prisons» convocase umha semana de solidariedade com as anarquistas presas. Deixamos a seguir o chamamento de este ano realizado por diversos coletivos:

O nosso planeta está a entrar numha nova década. Com o auge dos movimentos de direita e o lento declive da socialdemocracia, nos próximos anos dispomo-nos a umha intensa loita contra o estado e o capitalismo. E mentres, moitass anarquistas já estam encarceradas por participar nesta loita. Esquecidas polos liberais das ONGs de

direitos humanos porque as suas açons forom «violentas».

A miúdo, as anarquistas recebem expressons de solidariedade da sua comunidade de origem. Após todo, quem pode apoiar-te melhor que a gente atrapada na mesma pobreza de exploraçom? Sem embargo, achamos que a responsabilidade de apoiar às pessoas que se enfrentam à repressom em diferentes partes do mundo deve recair nom só nos ombros da comunidade local, senom também no movimento anarquista internacional. Através das nossas açons, nom só podemos proporcionar fondos aos lugares onde se precisam, senom também manter o fogo nos peitos dos prisioneiros, ainda

ardendo através do amor revolucionário e a açom direta!

Chamamos-te a realizar açons em solidariedade com as anarquistas encarceradas em todo mundo. A partir do 23 de agosto de 2020 —dia da execuçom de Sacco e Vanzetti- podes fazer absolutamente qualquer cousa, a única limitaçom é a tua imaginaçãom. Pom em prática todas as suas ideias. Mostremos a nossa energia e força coletiva numha loita revolucionária!

Convocam: 325, ABC Brighton, ABC Warsaw, ABC Dresden, ABC Belarus, NYC Anarchist Black Cross, Cempaka Collective, Anarchist Union of Afghanistan and Iran, anarchistnews.org



AMADEU CASELLAS CONDENADO A QUATRO ANOS DE PRISOM

á passarom dous anos desde que os Mossos de esquadra se levaram preso a Amadeu Casellas do seu domicílio na localidade de Vic. Dende aquela ficou fechado na prisom de Brians II à espera de juiço baixo a acusaçom de roubo com intimidaçom. O passado mês de maio resolveu-se a senteça quedando em quatro anos de condena à que o próprio Amadeu pensa recurrir já que o processo está cheio de irregularidades. Segundo declara Amadeu "nom admitirom nem antes, nem no próprio juiço, todas as provas exculpatórias, algumhas delas moi graves como é a ocultaçom de provas à defesa"

UMHA VIDA DE LUITA

O anarquista Amadeu Casellas Ramón começa a sua militância no movemento libertário desde moi novo e a sua solidariedade revolucionária o levou a passar grande parte da vida no cárcere, onde continuou luitando. Som conhecidas as campanhas pola sua libertaçom nas quales levou a cabo duras greves de fame chegando a passar 99 dias sem alimento. A sua anterior estância em prisom remata no ano 2010 chegando a reconhecer o juíz que cumplira oito anos de mais.

UMHA VEZ MAIS. SOLIDARIEDADE

Podemos manter-nos informados da situaçom de Amadeu a través do blogue llibertatamadeu.org. O companheiro precissa de apoio económico para gastos em procuradores e avogados. Pode-se fazer umha achega na seguinte conta bancária:

FIARE:ES32 1550 0001 2300 0924 1522

Titular: SINDICATO UNICO DE OFICIOS VARIOS DE CORNELLA Asunto: Amadeu (o similar)



ARDORAEDITORA.INFO · ARDORA@BASTARDI.NET

